



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2013. GODINU HRVATSKE STRANKE PRAVA BOSNE I HERCEGOVINE

Broj: 03-07-6-312/14
Sarajevo, 22. maj 2015. godine

SADRŽAJ

| | |
|---|---|
| MIŠLJENJE..... | 3 |
| 1. UVOD | 4 |
| 2. PREDSTAVLJANJE POLITIČKE STRANKE | 4 |
| 3. OPIS PREGLEDA I KONTROLE FINANSIJSKOG IZVJEŠTAJA | 5 |
| Predmet pregleda i kontrole | 5 |
| Cilj pregleda i kontrole | 5 |
| Obim pregleda i kontrole | 5 |
| 4. PRETHODNE KONTROLE I REVIZIJE | 5 |
| 5. NALAZI I PREPORUKE | 5 |
| 5.1. NALAZI..... | 6 |
| 5.2. PREPORUKE | 7 |

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatske stranke prava Bosne i Hercegovine za 2013. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2013. godinu, utvrđeno je da je Hrvatska stranka prava Bosne i Hercegovine prekršila odredbe člana 11. i člana 12. stav (1) i stav (3) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Hrvatske stranke prava Bosne i Hercegovine za 2013. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Hrvatska stranka prava Bosne i Hercegovine se finansirala iz sljedećih izvora:

| Red. br. | Vrsta prihoda | Iznos u KM | Učešće u uk. prih. % |
|-----------|--------------------------------------|-------------------|----------------------|
| 1 | Članarina | 0,00 | 0,00% |
| 2 | Prilozi fizičkih lica (3-a) | 8.817,66 | 5,28% |
| 3 | Prilozi pravnih lica (3-b) | 0,00 | 0,00% |
| 4 | Prihodi od imovine (3-c) | 5,64 | 0,00% |
| 5 | Prihodi od pr.lica (3-d) | 0,00 | 0,00% |
| 6 | Prihodi od poklona (3-e) | 0,00 | 0,00% |
| 7 | Prihodi iz budžeta (3-f) | 158.065,77 | 94,72% |
| 8 | Prihodi od propagande (3-g) | 0,00 | 0,00% |
| 9 | Ostali prihodi | 0,00 | 0,00% |
| I | Ukupni prihodi | 166.889,07 | 100,00% |
| II | Kreditno zaduženje kod banaka | 0,00 | 0,00% |
| | Izvori finansiranja (I+II) | 166.889,07 | 100,00% |

U godišnjem finansijskom izvještaju stranka je iskazala ukupne rashode u iznosu od 163.330,23 KM.

2. PREDSTAVLJANJE POLITIČKE STRANKE

Naziv političke stranke: Hrvatska stranka prava Bosne i Hercegovine. Skraćeni naziv stranke je HSP BiH.

Hrvatska stranka prava Bosne i Hercegovine je upisana u registar Kantonalnog suda Kantona 10 Livno, rješenjem broj: R-11/04 od 05.05.2004. godine. Dana 03.06.2004. godine, rješenjem Kantonalnog suda Kantona 10 Livno upisana je izmjena naziva stranke u Hrvatska stranka prava Bosne i Hercegovine-Đapić- dr.Jurišić, odnosno rješenjem Općinskog suda u Mostaru broj: R/7-07 od 24.07.2007. godine izmjena naziva i sjedišta stranke. Rješenjem Općinskog suda u Mostaru broj: R/9-07 od 23.01.2008. godine upisana su lica za predstavljanje i zastupanje stranke. Dana 18.03.2010. godine rješenjem Općinskog suda u Mostaru broj: R/2-10 upisana je izmjena naziva stranke, koji sada glasi: "Hrvatska stranka prava Bosne i Hercegovine". Rješenjem Općinskog suda Mostar, broj: R/3-11 od 21.02.2012. godine, u Registar političkih organizacija-stranaka Općinskog suda Mostar upisano je Udruživanje političkih stranaka Hrvatski demokršćani i Hrvatsko zajedništvo Herceg-Bosne u političku stranku Hrvatska stranka prava Bosne i Hercegovine, koja je pravni sljednik ovih stranaka.

Sjedište političke stranke je u Mostaru, ulica Kneza M.V. Humskog br. 39.

Lica ovlaštena za zastupanje stranke su: dr. Zvonko Jurišić, predsjednik i Stanko Primorac, zamjenik predsjednika.

Ovlašteno lice za podnošenje finansijskih izvještaja u 2013. godini je Krasnodar Vasić.

Prema podacima iz godišnjeg finansijskog izvještaja za 2013. godinu, organizacionu strukturu Hrvatske stranke prava Bosne i Hercegovine čine:

- HSP BiH Središnjica i
- HSP BiH Brčko podružnica.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Hrvatske stranke prava Bosne i Hercegovine za 2013. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Hrvatske stranke prava Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila reviziju i pregled finansijskih izvještaja Hrvatske stranke prava Bosne i Hercegovine za period od 2006. do 2012. godine, nakon kojih su izdati izvještaji o reviziji i pregledu sa mišljenjem revizora, nalazima i preporukama revizije.

Služba za reviziju izvršila je pregled godišnjeg finansijskog izvještaja Hrvatske stranke prava Bosne i Hercegovine za 2012. godinu, nakon kojeg je izdat izvještaj o pregledu sa mišljenjem revizora, nalazima i preporukama stranci da vodi evidencije o svojim приходima i rashodima, da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka i da poštuje i druge propise, prevashodno porezne, iz kojih proističu dodatne obaveze i troškovi, koje politička stranka treba izmirivati i evidentirati u poslovnim knjigama i finansijskom izvještaju koji podnosi Centralnoj izbornoj komisiji BiH.

Nerealizovane preporuke:

Na osnovu uočenih nedostataka u godišnjem finansijskom izvještaju za 2013. godinu, utvrđeno je da Hrvatska stranka prava Bosne i Hercegovine nije ispoštovala date preporuke.

5. NALAZI I PREPORUKE

5.1. NALAZI

Hrvatska stranka prava Bosne i Hercegovine prekršila je odredbe člana 11. i člana 12. stav (1) i stav (3) Zakona o finansiranju političkih stranaka.

Na osnovu obavljenog pregleda, utvrđeno je da je Hrvatska stranka prava Bosne i Hercegovine u svojim poslovnim knjigama i finansijskom izvještaju prihode evidentirala u manjem iznosu od ostvarenih i da obrasce godišnjeg finansijskog izvještaja nije popunila u skladu sa odredbama Pravilnika o godišnjim finansijskim izvještajima političkih stranaka, čime su prekršene odredbe člana 11. i člana 12. stav (1) i stav (3) Zakona o finansiranju političkih stranaka.

(1) Pregledom je utvrđeno da Hrvatska stranka prava BiH nije u godišnjem finansijskom izvještaju iskazala prihode iz budžeta Općine Čitluk, odnosno iskazala je prihode iz budžeta Općine Livno u manjem iznosu od ostvarenog, čime je prekršila odredbe člana 19. i člana 13. Pravilnika o godišnjim finansijskim izvještajima političkih stranaka - u daljnjem tekstu: Pravilnik.

- Uvidom u dokumentaciju utvrđeno je da stranka nije u obrascu 3-f (prihodi iz budžeta) godišnjeg finansijskog izvještaja i poslovnim knjigama evidentirala prihode iz budžeta Općine Čitluk u iznosu od 4.568,00 KM.

Na osnovu akta Općine Čitluk¹, utvrđeno je da je ova općina iz budžeta HSP BiH isplatila sredstva u iznosu od 4.568,00 KM. Sredstva su uplaćena na privatni račun vijećnika stranke², a na osnovu akta Kluba vijećnika od 01.02.2013. godine.

- Na osnovu akta Općine Livno³, utvrđeno je da je općina izvršila uplatu sredstava iz budžeta u iznosu od 3.300,00 KM, i to: 2.700,00 KM na transakcioni račun stranke, a 600,00 KM na tekuće račune tri vijećnika stranke. Stranka je u finansijskom izvještaju i poslovnim knjigama iskazala prihode iz budžeta Općine Livno u iznosu od 2.700,00 KM, odnosno manje prihode za 600,00 KM.

- Pored navedenog, utvrđeno je da HSP BiH nije pravilno popunila obrazac 3-f, čime je prekršila odredbe člana 19. Pravilnika.

Središnjica Hrvatske stranke prava Bosne i Hercegovine je u obrascu 3-f iskazala prihode iz budžeta Federacije BiH u iznosu od 57.965,50 KM.

Uvidom u izvode sa transakcionog računa u Raiffeisen banci⁴ i knjigovodstvene evidencije, utvrđeno je da je Središnjica Hrvatske stranke prava BiH ostvarila prihode iz budžeta Federacije BiH u iznosu od 49.078,00 KM, odnosno budžeta Parlamentarne skupštine Bosne i Hercegovine u iznosu od 8.887,50 KM, što je trebala iskazati u poslovnim knjigama i godišnjem finansijskom izvještaju.⁵

(2) Uvidom u finansijsku dokumentaciju i račune, utvrđeno je da je stranka u poslovnim knjigama, na kontu Ostalih promidžbenih troškova, te u obrascu 4.2 (troškovi propagande) godišnjeg finansijskog izvještaja za 2013. godinu iskazala troškove po računu J.P. „Radio Usora“ doo broj: Bf 407 od 11.10.2012. godine u iznosu od 259,00 KM.

¹ Akt Općine Čitluk broj: 05-403-73/14 od 15.10.2014. godine.

² Uplata izvršena na transakcioni račun broj: 3381202101041061.

³ Akt Općine Livno broj: 02-05-537/14 od 15.10.2014. godine.

⁴ Izvodi sa transakcijskog računa broj: 1610200033710023 kod Raiffeisen banke.

⁵ U skladu sa odredbom člana 19. stav (2) Pravilnika, stranka je obavezna pored organizacionog dijela stranke navesti nivoe vlasti od kojih je ostvarila prihod.

Obzirom da stranka troškove nije evidentirala u momentu nastanka troška, odnosno da je troškove nastale 2012. godine iskazala kao troškove propagande u 2013. godini, prekršene su odredbe člana 21., 22. i 23. Pravilnika.⁶

- (3) Pregledom je utvrđeno da stranka troškove zakupa poslovnih prostora nije evidentirala u momentu nastanka obaveze, što je suprotno računovodstvenim propisima, a za rezultat ima pogrešno iskazane rashode u poslovnim knjigama i godišnjem finansijskom izvještaju, čime su prekršene odredbe člana 21. i 22. Pravilnika.
- Uvidom u Ugovor o zakupu, utvrđeno je da je HSP BiH Novi Travnik u periodu od 01.01.-31.12.2013. godine koristio prostor u vlasništvu fizičkog lica. Prema podacima iz ugovora, mjesečni zakup poslovnog prostora iznosio je 150,00 KM, odnosno za period 01.03.-31.12.2013. godine 1.800,00 KM. Uvidom u godišnji finansijski izvještaj, utvrđeno je da stranka u finansijskom izvještaju i poslovnim knjigama iskazala troškove u iznosu od 1.500,00 KM, što je za 300,00 manje u odnosu na ugovorenu cijenu zakupa.
 - Pregledom je utvrđeno da je HSP BiH Brčko u obrascu 4.1 iskazao troškove zakupa poslovnog prostora u manjem iznosu za 60,00 KM u odnosu na ugovorenu cijenu zakupa. Prema odredbama Ugovora o zakupu, godišnji zakup poslovnog prostora koji je koristio ovaj odbor iznosio je 3.600,00 KM. Stranka je u godišnjem finansijskom izvještaju i poslovnim knjigama iskazala troškove zakupa u iznosu od 3.540,00 KM.

5.2. PREPORUKE

Preporučuje se Hrvatskoj stranci prava Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da poslovne knjige vodi u skladu sa računovodstvenim propisima, odnosno da vodi potpune i tačne evidencije o svojim prihodima i rashodima i*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR

U ostavljenom roku, Hrvatska stranka prava Bosne i Hercegovine nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2013. godinu.

Šef Odsjeka za revizijske poslove

Sanja Tošović

Revizor

Nevenko Andan

Šef Službe za reviziju

mr.sc Hasida Gušić

⁶ Stranka je troškove iz ranijih godina trebala iskazati u obrascu 4.1 (režijsko-administrativni i ostali troškovi) godišnjeg finansijskog izvještaja.